

(京)新登字207号

汇刻经验良方

(清)毛世洪 辑

*

北京科学技术出版社出版

(北京西直门南大街16号)

新华书店总店科技发行所

杭州富阳古籍印刷厂印刷

*

1992年7月第1版 1992年7月第1次印刷

印数: 1—350 册

ISBN 7-5304-1048-2/R·163 定价: 350.00元

良方揀要

中風

猝然中倒急用北細辛猪牙皂角各五分麝香三厘爲細末紙
然蘸藥搐鼻得嚏卽醒

半夏末少許吹入鼻中亦效

噎膈反胃

乾柿三枚連蒂搗爛酒服甚效切勿以他藥雜之

甘蔗汁七升生姜汁一升俱取自然汁和勻日細呷之兼治
乾嘔不止

吐血

藕節荷蒂各七箇以蜜少許搗爛水煎溫服名雙荷散

良方揀要

老藕煮湯隨意代茶多服自效

每日臨臥時用乾柿餅二個煎湯服亦效

褚氏遺書若服寒涼百無一生若服人洩百無一死吐血以服童便爲第一良方如無好童便卽服自便本草名輪迴酒須早晨多飲米湯或麥冬湯俟便澄清然後服之服過百日永不再發

咳嗽痰哮

痰氣壅塞用梨汁一鍾生姜汁白蜜各半鍾薄荷細末三錢和勻重湯煮熟任意食降痰如奔馬

咳嗽秘治欵冬花石膏生甘草各三錢礪砂七厘爲極細末以紙捲吹入喉內用雨前細茶漱咽卽好

冬月燥咳用好梨一個挖去心加白冰糖川貝母末填滿蒸熟臨臥食之連服三五個卽止

久咳不止用真叭噠杏仁泡去皮和冰糖杵爛爲丸如桂元大日嚼服細咽三次

痰實氣喘用蘇子白芥子萊菔子各一錢水煎服立止

定喘凡胡桃肉一兩細茶末五錢加密三四匙搗成丸彈子大不時噙化

痰哮喘浸溼海帶四兩煎湯調飴糖服

又方漂淡陳海蜃煎湯生蘆菔搗汁和服

腹脇痞塊

用皮硝一兩獨蒜一個大黃末八分搗作餅貼痞塊處以消爲良方揀要

度

絞腸沙痛

急痛欲絕以炒鹽一兩熱湯調灌入病人口中鹽氣一到其痛卽止

腰疼

腎虛腰痛酒炒厚杜仲三錢鹽炒小茴香補骨脂各五分青鹽三分以猪腎二枚椒鹽淹去腥水切開以上藥研末灌入煨熟空心過酒食之

腰痛不止絲瓜根燒存性爲末溫酒服二錢神效甚捷

兩脇攻痛

左金丸五分以枳殼廣木香各五分沖湯吞服卽止

腳氣

沖心白礬三兩煎水浸洗兩足良久自愈
腫痛木瓜爲末好酒調敷患處立止

惡心

多嚼白豆蔻仁自效

嘔吐不止

千金丸一錢木香湯吞服

霍亂

乾霍亂死而心頭微熱以鹽填臍內用艾灸不計數以醒爲度
吐瀉不止用新汲井水一盃百沸滾湯一盃和勻服卽定
生藕搗汁服

良方揀要

炒熱鹽布包熨心腹令氣透更以一包熨其背

頭風

至靈散用雄黃細辛等分爲末每以一匙吹鼻左痛吹右右痛吹左

黑豆枕黑豆一升炒熟布包枕痛處卽止未愈再炒枕之

痢疾

荷葉燒研每服二錢紅痢蜜湯白痢沙糖湯下

噤口痢用糯米穀一升炒出白花去殼以姜汁拌溼再炒爲末每服一匙白湯下三服卽止

泄瀉暴痢大蒜搗貼兩足心亦可貼臍中兼治下痢噤口及小兒泄痢

便血溺血

大便下血荆芥二兩槐花二兩炒黑爲末細茶湯下

小便溺血荷葉蒂七個燒灰酒服

便血屢發不痊用蜜炙黃芪四兩潞黨參四兩炒冬朮二兩
歸身二兩炒棗仁三兩雲苓二兩炙甘草一兩升麻柴胡各
三錢槐米二兩柿餅七個共爲末以棗肉爲丸常服除根

心胃痛

痛不可忍 良薑 製厚朴 靈脂 各等分爲末每服一錢

醋湯下卽止

呃逆

呃欲死 半夏五錢生薑二錢五分水煎服卽愈

良方揀要

不止刀葢子燒存性滾水調服二錢神效

一方用荔枝七個連皮燒灰存性爲末白湯調服立止

眼目

天行時眼紅赤以葶薺汁塗上卽好

一方每日視井中水能散其火

一方以朝南瓦松煎湯洗

諸凡目疾每日睡醒時將目左右輪轉九徧忽大撐開日行
三五次內外障翳俱消永無目疾

赤眼疼以黃丹白蜜調貼太陽穴止痛如神

塵芒入目生藕洗搗棉裹滴汁入目中卽出也

飛絲入目石菖蒲搥碎左目塞右鼻右目塞左鼻百發百中

耳病

諸般耳聾細辛末鎔黃蠟丸鼠屎大綿裹一凡塞之二三次卽愈須戒怒氣

耳出膿水

龍骨

枯礬

乾胭脂

要產山東濟甯者

海螵蛸

各等分

加麝香少許共爲末先以紙撚乾輕吹耳內

百虫入耳 不可驚動在左耳以手緊閉右耳及兩鼻孔努氣至左耳虫自出右耳亦然

口舌

口瘡

黃連

乾薑

青黛

兒茶等分爲末少許摻患處立

效

一方用陳白螺獅殼燒灰加兒茶少許爲末吹患處卽效

口糜大紅薔薇葉焙燥研末搽之冬月用根

牙齒

牙疼

北細辛三錢薄荷三錢生石膏末一兩煎湯溫漱

用大荔枝一個連殼燒存性爲細末搽疼處立止乃諸藥不效之仙方也

牙齦絲瓜藤炙灰擦之立止或絲瓜絡亦可

每日早晚叩齒三十六次永無牙疾

一法每大小便時緊咬牙齒勿言俟畢方開

一法每食後用冷茶漱齒令淨

咽喉

爛喉時疹錫類散

象牙屑焙廉珠各三分

飛青黛六分梅花

冰片 三厘

壁錢

卽喜子窠

二十個

用泥壁上者勿用木板上者

西牛黃人手指甲

男病用女病用

女病用男各五厘共研極細粉吹患處雖

瀕死者可救兼治乳蛾牙疳舌腐等症甚效

諸凡骨梗咽喉栗子內薄皮燒存性研末吹入咽中卽下
一方蛀栗子二枚煨存性研末白湯送下卽消

人上指甲燒存性爲末吹入喉中立效

口含礪砂一小塊咽汁卽下歷試歷應

魚骨 多食橄欖卽下 以核磨服亦可

凡鯁某魚之骨卽取某魚生眼珠以腐皮裹之吞下卽愈

象牙屑一錢蜜水調下并治諸刺鯁喉卽諸刺入肉者水調敷之立出

諸傷

金刃傷 切勿見水以圖書粉糝之 或滑石粉 或大黃炒

黑研末

喜兒窠敷貼卽愈囊傷畢九脫出者托上用此厚貼亦效

口嚼燈心揜之立能止血

人咬傷 蚌肉敷之

豆腐店內架上淋下積成漿垢刮下敷之甚效

蛇咬傷 萬年青搗汁塗之

金絲荷葉草取汁塗之

烟管戳傷喉 以龍眼核去黑皮焙研極細用筆管吹患處卽

定疼止血 居家者此藥須預備凡小兒頭面磕破銅鐵戳

傷諸患亦以此敷之愈後無癢仍生毛髮

杖丹 生豆腐鳳仙花連根葉同杵爛打出敷上乾則再易三日全愈

杖傷出蛆真麻油澆之

攣閃傷筋 結核腫痛若使成毒最難治療初覺急用火酒頓溫手蘸輕拍患處數百下隨以韭菜杵爛罨一周時次日再拍再罨以差爲度極效初拍覺疼宜忍之拍久則不疼矣

諸癬 龍眼核醋磨塗之

瞽目重明方

淨皮硝 六錢 鮮桑根白皮 二兩 以新砂礮河水煎透傾出澄清溫涼洗之少頃又洗每月只洗一次日期列左每日須自

早至晚洗十餘遍焚香向東洗之切勿惱怒戒食蒜韭

正月初五

二月初二

三月初三

四月初九

五月初五

六月初四

七月初三

八月初十

九月十二

十月十二

十一月初四

十二月初四

閏月照前

方內用桑根白皮切勿誤用桑葉甚至損目

婦女

蠲痛散治血氣刺痛用荔枝核燒存性半兩炒香附一兩爲末
每服二錢鹽湯米飲俱可

乳岩 土貝母五錢煎服數日可消已破者加胡桃膈銀花連
翹各三錢酒水煎服

血崩不止 淡腐漿一碗韭菜汁半碗和勻空心服

慣于小產諸藥不效日以梅梗三五條

綠梅者良

煎濃湯飲復

飲龍眼湯甚驗

或以南瓜蒂煎湯服

催生 用荷瓣一張上書一箇人字嚼而吞之立產

多日不下者用車前子

四錢

冬葵子

三錢

炒枳殼

二錢

白芷

一錢煎服卽下

產後血暈 生半夏末冷水和丸如豆大納鼻中灌以熱童便

薰以炭醋立甦

產後最宜多薰炭醋可免暈絕之患

婦人血淋

髮灰

二兩

藕汁調服痛脹甚者三日卽愈

血崩不止

用陳棕棉花子等分燒灰存性黃酒送下卽止

良方揀要

月水逆行上出口鼻 韭汁童便調服

治孕婦痢疾秘傳妙方 用雞蛋一個破小孔如指大以銀簪
腳攪勻加入黃丹三錢五分用紙封口在飯鍋上蒸熟食之
即愈

小兒

初生開口用 大黃一分 生甘草一分 硃砂五厘 先將上二味

人乳浸飯上燉一時去渣加入硃砂調勻服之可免諸疾

小兒虫積 榧子隨意嚼吃最妙大勝於史君子之傷元也

小兒鼻塞 青葱搗爛作餅貼於眉心一時即通

初生之日以猪膽汁一枚入湯浴永不生瘡

小兒初生白膜裹舌或偏舌根可用指甲刮破令血出以燒礬